

K204.3

1

資治通鑑卷第六十九

翰林學士兼侍讀學士朝散大夫右諫議大夫知制誥判尚書都省兼提舉萬

壽觀公事上護軍公孫開國侯食邑一千三百戶賜紫金魚袋臣馬光奉

勅編集

後學天台胡三省音註

魏紀一

起上章因敦盡玄默攝提格凡三年
破袁尚得冀州遂居於鄴鄴漢之魏郡治
所魏大名也遂封為魏公又讖云代漢者
當塗高當塗高者魏也文帝受漢禪國遂

魏號

世祖文皇帝上

諱丕字子桓武王操長子也謚
法學勤好問曰文世祖廟號也

承命不遷曰世靖民則法曰皇明一德者

卷之五

曰皇明一合道曰皇德象
天地曰帝案道無為曰帝

黃初元年

魏受漢禪推五德之運以土繼火土色黃
故紀元曰黃初是年十月受禪方改元

春正月武王至洛陽庚子薨

魏王操謚曰武

王知人善察難

眩以偽

眩者目無常主難眩以偽謂人不能亂其明

識拔奇才不拘微賤

隨能任使皆獲其用與敵對陳

陳讀曰陣

意思安閑

思相吏翻

如不欲戰然及至決機乘勝氣勢盈溢勲勞宜賞不

吝千金無功望施

施式鼓翻

分豪不與

豪即毫字

用法峻急有

犯必戮或對之流涕然終無所赦雅性節儉不好華

覆

好呼到翻

故能芟刈羣雄幾平海內

曰幾者以不能并吳蜀也受所銜翻

幾居希翻

是時太子在鄴軍中騷動羣僚欲祕不發喪諫

議大夫賈逵以為事不可秘乃發喪或言宜易諸城

守悉用譙沛人

曹氏沛國譙人小見者以鄉人為可信也守式又翻下同魏郡太

守廣陵徐宣厲聲曰今者遠近一統人懷效節何必

專任譙沛以沮宿衛者之心乃止

沮在呂翻

青州兵擅擊

鼓相引去

青州兵獻帝初平三年操破黃巾所降者

眾人以為宜禁止之

不從者討之賈逵曰不可為作長檄令所在給其稟

食

為于偽翻下上為下為同稟讀曰稟食如字長檄猶今軍行所至幫券也

鄆陵侯彰從

長安來赴

操自漢中還師而東彰定代而西迎操因留彰長安鄆陸德明謁晚翻又於建翻師

古音

問逵先王璽綬所在

璽斯氏翻綬音受

逵正色曰國有

儲副先王璽綬非君侯所宜問也凶問至鄴太子號

哭不已

號戶

中庶子司馬孚諫曰

續漢志太子中庶子秩六百石職如

侍中君王晏駕天下恃殿下為命當上為宗廟下為萬

國柰何效匹夫孝也太子良久乃止曰卿言是也時

群臣初聞王薨相聚哭無復行列

行戶剛翻

孚厲聲於朝

曰

朝直遙翻

今君王違世天下震動當早拜嗣君以鎮萬

國而但哭邪乃罷群臣備禁衛治喪事孚懿之弟也

治直之翻

群臣以為太子即位當須詔命

謂須待漢帝詔命也

尚書

陳矯曰王薨于外天下惶懼太子宜割哀即位以繫

遠近之望且又愛子在側

愛子謂鄢陵侯也

彼此生變則社

稷危矣即具官備禮一日皆辨

辨與辨同蜀本作辨

明日以王

后令策太子即王位大赦漢帝尋遣御史大夫華歆

奉策詔授太子丞相印綬魏王璽綬領冀州牧華戶化翻

於是尊王后曰王太后 改元延康此漢改元魏志也 二

月丁未朔日有食之 壬戌以太中大夫賈詡為太

尉御史大夫華歆為相國大理王朗為御史大夫

丁卯葬武王于高陵高陵在鄴城西操遺令曰汝等時時登銅雀臺望吾西陵墓田

魏紀載操令曰規西門豹祠西原上為陵 王弟鄢陵侯彰等皆就國臨

菑監國謁者灌均希指奏臨菑侯植醉酒悖慢劫脅

使者時禁切藩侯使謁者監其國監古銜翻悖蒲內翻又蒲沒翻 王貶植為安鄉

侯誅右刺姦掾沛國丁儀王莽置左右刺姦以督姦猾光武中興亦置刺姦將

軍然公府掾無其負也魏晉公府及第黃門侍郎虞

始有營軍刺姦等負掾俞綰翻并其男口并男口誅之絕其世也皆植之黨也魚

豢論曰諺言貧不學儉卑不學恭非人性分殊也扶分

問翻執使然耳假令太祖防遏植等在於疇昔此賢之

心何緣有窺望乎彰之挾恨尚無所至至於植者豈

能興難難乃乃令楊脩以倚注遇害丁儀以希意族

滅哀夫初置散騎常侍侍郎各四人散騎常侍秦

騎又置中常侍散騎騎從乘輿車後中常侍得入禁

中皆以為加官漢東京初省散騎而中常侍用宦者

至是初置散騎合之於中常侍為一官曰散騎常侍

掌規諫不典事貂璫插右騎而散從後遂為顯職散

騎侍郎自魏至晉與散騎常侍侍中其宦人為官者

黃門侍郎共平尚書奏事江左乃罷

不得過諸署令

謂左右中尚方中黃左右藏左校甄官奚官黃門掖庭永巷御府鉤盾中

藏府內者等署也

為金策藏之石室時當選侍中常侍王左

右舊人諷主者便欲就用不調餘人

調徒弔翻

司馬孚曰

今嗣王新立當進用海內英賢如何欲因際會自相

薦舉邪官失其任得者亦不足貴也遂他選

尚書

陳群以天朝選用不盡人才

天朝謂漢朝也朝直遙翻

乃立九品

官人之灋州郡皆置中正以定其選擇州郡之賢有

識鑒者為之區別人物第其高下

九品中正自此始九品上上上中上

下中上中中中下下上下中下下也別彼列翻

夏五月戊寅漢帝追尊王

祖太尉曰太王

王祖漢太尉曹嵩也

夫人丁氏曰太王后

王

以安定太守鄒岐爲涼州刺史西平麴演結旁郡作

亂以拒岐張掖張進執太守杜通酒泉黃華不受太

守辛機皆自稱太守以應演誅韓遂者麴演也蓋威

應武威三種胡復叛種章勇翻復扶又翻武威太守毋丘興母

復姓告急於金城太守護羌校尉扶風蘇則則將救

之郡人皆以爲賊執方盛宜須大軍時將軍郝昭魏

平先屯金城受詔不得西度金城與武威張掖酒泉隔河則乃見

郡中大吏及昭等謀曰今賊雖盛然皆新合或有脅

從未必同心因釁擊之善惡必離離而歸我我增而

彼損矣既獲益衆之實且有倍氣之勢率以進討破

之必矣若待大軍曠日彌久善人無歸必合於惡善

惡既合執難卒離

卒讀日猝

雖有詔命違而合權專之可

也昭等從之乃發兵救武威降其三種胡

降戶江與翻下同

毋丘興擊張進於張掖麴演聞之將步騎三千迎則

辭來助軍實欲爲變則誘而斬之

誘音賈

出以徇軍其

黨皆散走則遂與諸軍圍張掖破之斬進黃華懼乞

降

據裴松之註華即後爲兖州刺史奏王淩者也事見七十五卷邵陵厲公嘉平三年

河西平

初燉煌太守馬艾卒官

燉徒門翻卒子恤翻下同

郡人推功曹張

恭行長史事恭遣其子就詣朝廷請太守會黃華張

進叛欲與燉煌并執執就刼以白刃就終不回私與

恭疏曰大人率厲燉煌忠義顯然豈以就在困厄之

中而替之哉今大軍垂至但當促兵以掎之耳

掎舉綺翻

從後牽曰掎又云偏引曰掎

願不以下流之愛使就有恨於黃壤

也

論語曰君子惡居下流天下之惡皆歸焉謂下流當惡居而不當愛也一日流輩也牽於父子之愛

而廢君臣之義是常人之流下一等見識故曰下流之愛恭即引兵攻酒泉別遣

鐵騎二百及官屬緣酒泉北塞東迎太守尹奉黃華

欲救張進而西顧恭兵恐擊其後故不得往而降就

卒平安奉得之郡詔賜恭爵關內侯 六月庚午王

引軍南巡

秋七月孫權遣使奉獻

蜀將軍孟達

屯上庸與副軍中郎將劉封不協封侵陵之達率部

曲四千餘家來降達有容止才觀

觀工玩翻

王甚器愛之

引與同輦以達為散騎常侍建武將軍封平陽亭侯

合房陵上庸西城三郡為新城

蜀分三郡見上卷漢獻帝建安二十四年

以達領新城太守委以西南之任行軍長史劉曄曰

時魏王引軍南巡以曄為長史

達有苟得之心而恃才好術

好呼到翻必

不能感恩懷義新城與孫劉接連

蜀之漢中吳之宜都皆與新城接連

若有變態為國生患王不聽

為孟達叛魏張本為于偽翻

遣征南

將軍夏侯尚右將軍徐晃與達共襲劉封上庸太守

申耽叛封來降封破走還成都初封本羅侯寇氏之

子漢中王初至荊州以未有繼嗣養之為子諸葛亮

慮封剛猛易世之後終難制御勸漢中王因此際除

之遂賜封死

武都氏王楊僕率種人內附

種章勇翻

甲午王次于譙大饗六軍及譙父老于邑東設伎樂

百戲

伎巨綺翻

吏民上壽日夕而罷

孫盛曰三年之喪

自天子達于庶人故雖三季之末

謂三代之季也

七雄之敝

秦趙韓魏齊楚燕爲戰國七雄

猶未有廢衰斬於旬朔之間釋麻杖

於反哭之日者也

麻經也居父喪直杖禮既葬而反哭檀弓曰反哭升堂反諸其所作

也反哭之弔也哀之至也反而

逮于漢文變易古制

亡焉失之矣於是爲甚衰倉回翻

事見十五卷人道之紀一旦而廢固已道薄於當年

文帝後七年風頽於百代矣魏王旣追漢制替其大禮處莫重之

哀勣昌而設饗宴之樂居貽厥之始而墮王化之基

夏書曰有典有則貽厥子孫墮讀曰隳

及至受禪顯納二女

獻帝之禪也冊詔魏

王曰漢承堯運有傳聖之義釐降二女以嬪于魏

是以知王齡之不遐卜世

之期促也

王以丞相祭酒賈逵為豫州刺史

豫州統潁

川汝陰汝南梁國沛郡譙郡魯郡弋陽安豐等郡晉地理志曰魏武分沛郡立譙郡分汝南立汝陰郡合陳郡於梁國沈約志曰弋陽縣本屬汝南魏文帝分立郡又分廬江為安豐郡是時天下初

定刺史多不能攝郡

攝總錄也

逵曰州本以六條詔書察

二千石以下

舉漢制也

故其狀皆言嚴能鷹揚有督察之

才不言安靜寬仁有愷悌之德也今長吏慢瀆盜賊

公行州知而不糾天下復何取正乎

復扶又翻

其二千石

以下阿縱不如灋者皆舉奏免之外脩軍旅內治民

事治直之翻興陂田通運渠吏民稱之王曰達真刺史矣

布告天下當以豫州爲灋賜達爵關內侯左中郎

將李伏太史丞許芝表言魏當代漢見於圖緯其事

衆甚據獻帝傳李伏引孔子玉板許芝引春秋漢羊含李玉板識佐助期孝經中黃識易運期識君

臣因上表勸王順天人之望時勸進者辛毗劉曄傳異衛臻桓階陳矯陳群

蘇林董巴繼之者司馬懿鄭渾羊祜鮑勛王不許冬十月乙卯漢帝告祠

高廟使行御史大夫張音持節奉璽綬詔冊禪位于

魏王三上書辭讓乃爲壇於繁陽時南巡至潁川潁陰縣築壇於曲蠡

之繁陽亭述征記曰其地在許南七十里東有臺高七丈方五十步南有壇高二丈方三十步即受終之

壇也是年以繁陽為繁昌縣

辛未升壇受璽綬即皇帝位

考異曰陳志

云丙午行至曲蠡漢帝禪位庚午升壇即祚表紀亦云庚午魏王即位按獻帝紀乙卯始發禪冊二十九日登壇受命又文帝受禪碑至今尚在亦云辛未受禪陳志表紀誤也范書云魏遣使求璽綬曹皇后不與如此數輩后乃呼使者以璽抵軒下因涕泣橫流曰天不祚爾左右皆莫能仰視案此乃前漢元后事且璽綬無容在曹燎祭天地獄瀆改元大赦十一月后之所此說妄也

癸酉奉漢帝為山陽公

山陽縣屬河內郡

行漢正朔用天子

禮樂封公四子為列侯追尊太王曰太皇帝武王曰

武皇帝廟號太祖尊王太后曰皇太后以漢諸侯王

為崇德侯列侯為關中侯群臣封爵增位各有差改

相國為司徒御史大夫為司空

漢獻帝建安十三年罷三公官今復舊

山陽公奉二女以嬪于魏帝欲改正朔侍中辛毗曰
魏氏遵舜禹之統應天順民至於湯武以戰伐定天
下乃改正朔孔子曰行夏之時左氏傳曰夏數爲得
天正何必期於相反帝善而從之自是之後遂皆以建寅爲正傳直戀
翻時群臣並頌魏德多抑損前朝朝直遙翻散騎常侍衛
臻獨明禪授之義稱揚漢美帝數目臻曰數所角翻天下
之珍當與山陽共之帝欲追封太后父母尚書陳群
奏曰陛下以聖德應運受命創業革制當求爲後式
案典籍之文無婦人分土命爵之制在禮典婦因夫
爵禮記婦人無爵從夫之爵秦違古灋漢氏因之非先王之令典